

Na osnovu člana 16. Zakona o provođenju kontrole zakonitosti korištenja prava iz oblasti branilačko-invalidske zaštite („Službene novine Federacije Bosne i Hercegovine“, broj 82/09) zaključuje se :

S P O R A Z U M
O SARADNJI U POSTUPKU
MEDICINSKOG VJEŠTAČENJA ZDRAVSTVENOG STANJA

Član 1.

UGOVORNE STRANE:

- 1. Federalno ministarstvo za pitanja boraca i invalida odbrabeno-oslobodilačkog rata/ Federalno ministarstvo za pitanja branitelja i invalida domovinskog rata, Sarajevo, Alipašina 41, korisnik usluga koje zastupa ministar Zahid Crnić, s jedne strane i**
- 2. Institut za medicinsko vještačenje zdravstvenog stanja, Sarajevo, Branislava Đurđeva 12, davalac usluga, koji zastupa direktor Zijad Hadžiomerović, s druge strane.**

Član 2.

Ovim Sporazumom se uređuje postupak, uslovi i način vršenja usluga medicinskog vještačenja zdravstvenog stanja korisnika iz oblasti branilačko-invalidske zaštite, a u skladu sa članom 4. Zakona o provođenju kontrole zakonitosti korištenja prava iz oblasti branilačko – invalidske zaštite.

Član 3.

Institut za medicinsko vještačenje zdravstvenog stanja („Službene novine FBiH“, broj 70/07, u daljem tekstu: Institut) obavezuje se da će izvršiti medicinsko vještačenje zdravstvenog stanja svih korisnika iz oblasti branilačko – invalidske zaštite koji u provođenju kontrole zakonitosti korištenja prava iz oblasti branilačko – invalidske zaštite budu dostavljeni od strane Federalnog ministarstva za pitanja boraca i invalida odbrabeno-oslobodilačkog rata/ Federalnog ministarstva za pitanja branitelja i invalida domovinskog rata (u daljem tekstu: Federalno ministarstvo).

Član 4.

Poslovi medicinskog vještačenja zdravstvenog stanja odnose se na medicinsko vještačenje i donošenje nalaza i mišljenja u slijedećim slučajevima:

- postojanje uzročno – posljedične veze između vojne dužnosti i ranjavanja, povrede, bolesti, pogoršanja oboljenja, pogibije, nestanka i zarobljavanja;
- procentu vojnog invaliditeta;
- stepenu ortopedskog dodatka,
- stepena dodatka za njegu i pomoć drugog lica
- nesposobnosti za privređivanje
- postojanju uzročne veze između ranjavanja odnosno oboljenja (po kome osnovu je utvrđen procenat invaliditeta) i smrti vojnog invalida.

Član 5.

Dostavljanje predmeta od strane Federalnog ministarstva vršit će se sukcesivno, nakon provjere o pripadnosti i okolnosti stradanja pripadnika Oružanih snaga BiH(Armije RBiH, HVO i MUP) i izvorne medicinske dokumentacije od strane Federalnog ministarstva.

Član 6.

Utvrđivanje procenta vojnog invaliditeta, stepena ortopedskog dodatka i stepena dodatka za njegu i pomoć od drugog lica, vršit će se u skladu sa važećim Pravilnicima i to:

- Pravilnikom o radu ljekarskih komisija u postupku za ostvarivanje prava prema Zakonu o pravima branilaca i članova njihovih porodica,
- Pravilnikom o utvrđivanju procenta vojnog invaliditeta,
- Pravilnikom o ortopedskom dodatku vojnih invalida,
- Pravilnikom o dodatku za njegu i pomoć od drugog lica vojnih invalida.

Naprijed navedeni Pravilnici su objavljeni u „ Službenim novinama FBiH“, broj 41/04.

Član 7.

Institut se obavezuje da će medicinsko vještačenje zdravstvenog stanja obaviti u roku od 30 dana od dana primljenog zahtjeva i predmeta od Federalnog ministarstva, nakon čega će Institut donijeti nalaz i mišljenje koje će sa spisom predmeta dostaviti ministarstvu na dalji postupak, a najdalje u roku od 45 dana od dana prijema zahtjeva.

Član 8.

Ukoliko se korisnik prava iz oblasti branilačko-invalidske zaštite ne odazove na pregled po pozivu od strane Instituta u roku od 30 dana od dana poziva, Institut se obavezuje da obavijesti Federalno ministarstvo kako bi se privremeno obustavila isplata invalidnine. Ukoliko se korisnik prava ne odazove na pregled po ponovljenom pozivu u roku od 90 dana od dana prvog poziva, Institut se obavezuje da obavijesti Federalno ministarstvo kako bi se donijelo rješenje o prestanku prava (koje je do tada koristio) sa danom proteka ovog roka.

Član 9.

Institut donosi nalaz, ocjenu i mišljenje isključivo na osnovu postojeće medicinske dokumentacije (na osnovu koje je ranije cijenjen) u spisu predmeta i na osnovu pregleda korisnika prava.

Izuzetno od stava 1., ukoliko nadležna ljekarska komisija Instituta nakon pregleda ocijeni da je potrebno pribaviti nove specijalističke nalaze uputit će korisnika prava u određenu zdravstvenu ustanovu radi pribavljanja tih nalaza. Federalno ministarstvo će u saradnji sa Institutom posebnim aktom odrediti zdravstvene ustanove u svrhu pribavljanja dodatnih specijalističkih nalaza i mišljenja.

Član 10.

Cijene za obavljene usluge medicinskog vještačenja zdravstvenog stanja platit će Federalno ministarstvo u skladu sa Ugovorom zaključenim između Instituta i Federalnog ministarstva broj: 05-41-4748/09 od 29.12.2009. godine, korigovane u skladu sa Zakonom o provođenju kontrole zakonitosti korištenja prava iz oblasti branilačko-invalidske zaštite i Zakonom o načinu ostvarivanja ušteta u budžetima Federacije Bosne i Hercegovine, kantona, gradova, općina, vanbudžetskih fondova i institucija čiji je osnivač Federacije Bosne i Hercegovine („Službene novine Federacije Bosne i Hercegovine“, broj 50/09).

Član 11.

Ovaj Sporazum je sačinjen u četiri (4) istovjetna primjerka od kojih svaki potpisnik Sporazuma dobija po dva (2) primjerka.

Član 12.

Sporazum stupa na snagu danom potpisivanja.

**INSTITUT ZA MEDICINSKO
VJEŠTAČENJE ZDRAVSTVENOG
STANJA- SARAJEVO**

**FEDERALNO MINISTARSTVO ZA PITANJA
BORACA I INVALIDA ODBRAMBENO-OSLOBODILAČKOG
RATA/FEDERALNO MINISTARSTVO ZA PITANJA
BRANITELJA I INVALIDA DOMOVINSKOG RATA
SARAJEVO**

Zijad Hadžiomerović - direktor

Zahid Crnić - ministar

Broj: 05-41-327/10
Sarajevo, 20.01.2010. godine

Na ovaj sporazum Vlada Federacije Bosne i Hercegovine dala je saglasnost aktom V. broj 130/2010 od 08.03.2010.godine.